



KOMMUNEQARFIK **SERMERSOOQ**

PILERSAARUSIONERMUT PERIUSISSIAQ 2014

Aallaqqaasiut

Kommuneqarfik Sermersuumi ”Pilersaarusiørnermut periusissiaq 2014” nutaaq saqqummiussinnaagakku nuannaarutigeqaara.

”Pilersaarusiørnermut periusissiaq 2014” kommunimi periusissamut siullermut ”Pilersaarusiørnermut periusissiaq 2010 – Ataatsimoorluta siunissarput” taarsiutaavoq, tassanilu allaaserineqarluni ukiuni aggersuni kommunimi pilersaarusiørnermi tigussaasut suut qitiutinneqassanersut.

Piffissaq qaangiuttoq annertuumik pisoqarfiusimavoq – Inatsisartunut marloriarluni qinersisoqarpoq, kommunimullu ataasiarluni qinersisoqarluni. Tamakkuli apeqqutaatinnaq Pilersaarusiørnermut periusissiaq 2011-mi siullermeersumik akuersissutigineqareersoq malitsigisaanillu 2013-imi kommunimut pilersaarut digitalinngortitaq ”Sermersooq2024.gl” akuersissutigineqarmat sukumiisumik erseqqissaasoqareersoq, kommunimi pilersaarusiørnermi unamminartut maannamut allanngorpallaarsimannigillat.

Kingullertigut allanngoriartorneq annertoq sulilu annertusiartortoq tassa kommunimi innuttaasut agguataarsimanerat assigiinngitsorujussuaq ingerlaannartussatut naatsorsutigineqartoq, tamannalu pisutigalugu kommunimi pingaarnertut anguniakkat attatiinnarneqarlutillu siuarsaavigeqqinneqartariaqarput. Taamaattumik Kommunalbestyrelse aalajangerpoq, pilersaarusiørnermut periusissami tassani aamma naleqartitat Piujaannartitsineq, Inuunermi naleqartitat, Tamat oqartussaaqataanerit Kiffartuussinerlu malunnartinneqassasut

Kommunimut pilersaarut digitalinngortitaq kommunimit tulluusimaarutigineqarpoq, pilersaarusiørnermilu sakkussatut pinngitsoorneqarsinnaanani.

Misilittakkalli kingulliit takutippaat, pilersaarusiørnermi suliniutit pingasut immikkut qitiutinneqartariaqartut, tassaasut:

1. Illussanik titartaasarnermik / illoqarfiup isikkusnaanut politikissaliorneq – inoqarfinni ineriartorneq pitsaasoq annertusarneqarnissaa qulakkeerniarlugu.
2. Illoqarfiit pingaarnersaat pillugu periusissaliorneq –kommunerput nunarpullu ataatsimut isigalugit Nuuk maligassaasinnaannissaanut ilisimatusarfiunissaanullu tunngavissaqarsinnaaqullugu.
3. Kommunimut pilersaarummut immikkoortunut pilersaarummut tunngavissamik ineriartortitsineq – siunissaq ungasinnerusoq ataqatigiissaarinerlu eqqarsaatigalugit sanaartugassanik pilersaarusiørneq tunngavissaqarsinnaaqullugu.

Kommunimut pilersaarusiortoqarnerani aammattaaq tamanut tusarniutigineqarneranut periarfissaq Kommuneqarfik Sermersuup annertusivaa. Containeri kommunimi pilersaarummut tunngasumik immersugaq kommune tamakkerlugu angallanneqarpoq, tassungalu atatillugu atuarfinni klassit peqatigalugit pilersaarusiortitsisoqarpoq, soqutigisaqatigiinnik ataatsimiititsisoqarlunilu innuttaasunik ataatsimiititsisoqarpoq. Kommunimi pilersaarummik suliaqarnermi pilersaarusiørnerlu nalinginnaasoq eqqarsaatigalugit innuttaasunik peqataatitsineq ataatsimut tamaat isigalugu, pissanganarluinnartumik ingerlanneqarpoq.

Nalunaarusiap suliarineranut nassuiaat

Nalunaarusiaq Kommuneqarfik Sermersuumi Illoqarfimmik inerisaaviup NIRAS Grønland A/S suleqatigalugu suliarineqarpoq. Assit: Sanarfinermut Avatangiiisnnullu Ingerlatsivik
Piginittussaataasooq: Kommuneqarfik Sermersooq

Kommunitta ingerlanneqarnerani suliniutissat pingasuusut suliaralugit aallartinnissamut peqataatitsinerunissap sakkutut nutaatut atulernissaa annertuumik isumalluarifineqarput. Taamaattumik "Pilersaarusiørnermut periusissiaq 2014" sapaatit akunnerini qulini piffissami marsip 23-anniit 2015 maajip 25-annut 2015 tusarniutigineqarpoq. Neriuppunga tigulluarneqarumaartoq kommunitsinnilu ineriartortitsinissaq pillugu tamanut tusarniaasoqarnerani kinguneqarluarsinnaasumik tunniussaartoqarumaartoq.

Pilersaarusiørnermi periusissap tusarniutigineqarnerani oqaaseqaatit pingasut kisimik tiguneqarput. 4. Kommunalbestyrelsi tusarniummut oqaaseqaatit eqqartorpai, aaqqissuisoqarfimmiillu annikitsutigut iluarsissutaasimasut ilanngullugit Pilersaarusiørnermi periusissaq inaarutaasoq akuersissutigalugu.

"Pilersaarusiørnermut periusissiaq 2014" marlunnik immikkoortoqarpoq:

1. "Pilersaarusiørnermut periusissiaq 2014 – Nalunaarut tunuliaqutaq", paasissutissanik digitalinngortitanik imaqarpoq. Nalunaarut tunuliaqutaq uani atuarneqarsinnaavoq: www.sermersooq.gl
2. "Pilersaarusiørnermut periusissiaq 2014 – Eqikkaaneq" una, nalunaarummut tunuliaquttamut pingaarnertut eqikaaneruvoq.

Pilersaarusiørnermut periusissiaq pissarsiaqarfigilluarisiuk!

Asii C. Narup

Asii Chemnitz Narup
Borgmester-i





STREET ART 2014 "NARSARSUAQ" NUUK

Imai:

- 1 Kommune pillugu piviusoq – ineriartornerillu
- 2 Kommuneqarfik Sermersuumi pilersaarusiorneq
- 3 Kommunimut pilersaarutip ilaanik iluarsissuteqarneq nutaainillu suliniuteqarfiusussanik aalajangerneq
- 4 Pilersaarusiornermi naammassiat
- 5 Akuersissutuqarneq



ILLOQQORTOORMIUT 2012

1. Kommune pillugu piviusoq – ineriartornerillu

Kommuneqarfik Sermersooq tassaavoq kalaallit Nunaanni inuttunerpaallunilu nunataata 609.247 km²-isut anner-tutigineratigut nunatsinni kommunini annerup tullia. 2013-imi inuit katillugit 1.213-it kommunitsinnut nuupput, 315-illu inunngorlutik.


Kommunimi innuttaasut juulip aallaqqaataani 2014-imi katillutik 22.164-inik amerlassuseqarput, nunallu aggor-nerini pingasuusuni inoqarfinni 12-ini ima agguarneqarsimallutik:

Nuuk	16.786
Kapisillit	70
Qeqertarsuatsiaat	205
Nuup nunataa tamakkerlugu	17.061

Paamiut	1.517
Arsuk	104
Paamiut nunataa tamakkerlugu	1.621

Tasiilaq	2.090
Illoqqortoormiut	437
Kulusuk	266
Tiniteqilaaq	112
Isortoq	72
Kuummiut	308
Sermiligaaq	197
Tasiilap nunataa tamakkerlugu	3.482

Kommuneqarfik Sermersooq katillugit 22.164



2000 – 2010

Kommunimut pilersaarut "Sermersooq2024.gl"-imi tikkuarneqarpoq, piffissami 2000-imiit 2011-mut kommunimi innuttaasut amerlassusii amerleriarujussuarsimasut (10%-imik), tassa nuna tamakkerlugu agguaqatigiisitsineq kommunillu sinnerini pissutsit qimerloornerisigut. Amerleriaalli assigimmik agguataagaangilaq, Nuummi amerleriaat 18%-imiippoq, Tasiilaami 17%-imiilluni, tassungalu paarlattuanik kommunip inoqarfisa sinnerini innuttaasut amerlassutsimikkut ikileriarsimapput.

Ilaatigut tamanna tunngavigalugu kommunimut pilersaarummi periusissanik arlaqartunik aalajangersaasoqarlu-nilu kommunimi nunap aggornerini pingasuusuni inoqarfinni 12-ini ineriartortitsinissaq anguniagaavoq.

2010 – 2014


Kommune piffissami 2010-miit 2014-imut aamma suli amerliartorfiuvoq, taamaalilluni Sermersuumi innuttaasut ataatsimut katinnerini 2010-mi 38%-imiit 2014-imi 40%-imiilersimavoq. Agguataarnerisa assigiinngisitaarneri aamma suli atuuppoq, Nuummi innuttaasut amerlassusii piffissami tassani 9%-imik amerleriarsimasut Tasiilami 7%-imiippoq, Sermersuumilu inoqarfiit sinneri 14%-imik ikileriarfusimapput. Sermersuumi innuttaasut ataatsimut katinneri piffissami tassani 5%-imik amerleriarsimapput – nuna tamakkerlugu ataatsimut katinnerinit nikinga-ngaatsiarluni, tassanimi 0,3%-imik appariarfusimavoq.




2014 –

Kalaallit Nunaanni Naatsorsueqqissaartarfiup kisitsisit saqqummiussai marluusut innuttaasut amerlassutsimikkut nikerarnerinik imaqarput, kisitsisillu takutippaat, Sermersuumut nuttarneq taamaaginnassasoq naatsorsuutigineqartoq, aammalu Kalaallit Nunaanni innuttaasut ataatsimut amerlassusii eqqarsaatigalugit Sermersuumi innuttaasut sulii amerliartussaasut.

Nuuk Eqqaalu



Tasiilaq Eqqaalu



Paamiut Eqqaalu





13


	2000	2014	Vækst	Årligt
Nuuk	13.445	16.786	+ 25%	+1,8
Kapisillit	117	70	-40%	-2,9
Qeqertarsuatsiaat	261	205	-21%	-1,5
Paamiut	1.888	1.517	-20%	-1,4
Arsuk	197	104	-47%	-3,4
Tasiilaq	1.705	2.090	+23%	+1,6
Illoqqortoormiut	525	437	-18%	-1,3
Sermiligaaq	207	197	-5%	-0,4
Kuummiut	389	308	-21%	-1,5
Tiniteqilaaq	146	112	-23%	-1,6
Isortoq	129	72	-44%	-3,1
Ivittuut	19	0	-100%	-7,1
Kangilinnguit	145	12	-9,2 %	-6,6

Apaluttoq:

Sungaartoq aappaluaartoq :

Sungaartoq:

Qasertoq:





"ILLUT UIGULERTIAAT ILAAT" PAAMIUT 2014

2. Kommuneqarfik Sermersuumi pilersaarusiorneq

Pilersaarusiornermut inatsit naapertorlugu kommunalbestyrelsip piffissap qinigaaffimmi affaa siulleg qaangiu-tinnginnerani pilersaarusiornermut periusissatut siunnersuut tamanut saqqummiuttussaavaa. Periusissamik pilersaarutikkut nalilerneqassalluni, kommunimi pilersaarusiorneq, allaaserineqarlunilu siunissami pilersaarusiornermi suna qitiutinneqarniarnersoq, tamannalu tunngavigalugu kommunalbestyrelsip nalilissavaa, kommunimut pilersaarummi qanoq annertutigisumik iluarsissuteqartoqassanersoq. Taamaalluni kommunimut pilersaarut tamatigut nutarterneqartassaaq.

Kommuneqarfik Sermersuup tamanna piumasaqaat ukiunik sisamanik sivilissusilimmik atuutussatut, taamaalluni pilersaarusiornermut periusissaq ukiut sisimakkaarlugu qinigaaffiup qiteqqunnerani pilersinneqartassaaq, malitsigisaanillu qinigaaffiup affaani kingullermi kommunimut pilersaarummik iluarsissuteqarnissamut tunnga-vissaassalluni.

Pilersaarusiornermut periusissaq 2010 aammalu 2014

"Pilersaarusiornermut periusissiaq 2014" Kommuneqarfik Sermersuup pilersaarusiornermut periusissaliaata aap-passaaneerutigaat, taassumalu siulleg "Pilersaarusiornermut periusissiaq 2010 – Siunissarput ataatsimoorullugu" taarsissavaa.


"Pilersaarusiornermut periusissiaq 2010" Kommuneqarfik Sermersuumut pissutsit nutaangornerinut naqissusi-neruvoq. Kommunit tallimat ataasinngortinneqarput, kommunerujussuarmilu ineriartortitsinermi pingaarnertut killiliussassat peqatigiilluni erseqqissarneqassallutik.

Kommunimi siunissami siumukarfiususamik sulinissamut tunngaviusussat naleqartitat pingasut perisussami al-laaserineqarput:

1. Piujuartitsineq
2. Inuuniarnermi naleqartitat
3. Kikkut tamat oqartussaaqataanerit aamma sullissineq

Taakku saniatigut inuiaqatigiinnik ineriartortitsiniarnermi tamakkiisumik isiginnittumik iliuuseqarnissamut sulini-teqarfiit arfineq marluk allaaserineqarput:

1. Illoqarfiit aamma ineqarfiit inuuffigalugit pitsaasut
2. Ilaqutariit peqqissut toqqissisimasullu
3. Inuussutissarsiornermik ingerlatsinerit annertusiartortut
4. Avatangiisinik aamma pisuussutininik eriaqinninneq
5. Ataqaqatigiinnermut aaqissuussinerit pitsaasut
6. Inuuniarnermi piginnaaneqarneq
7. Uummaarissumik kulturikkut periarfissat





"Pilersaarusiørnermut periusissiaq 2010 – Peqatigiilluta siunissarput" taamaalilluni kommunimi ineriartortitsinissami pilersaarusiørnerup qanoq aqqissorneqarsinnaaneranut politikikkut sakkusaalerpoq, taamaalillunilu kommunerujussuanngornermi kommunimi pilersaarusiørneq siullermeerluni digitalinngortitaq "Sermersooq2024.gl" toqqammavissatut pingaartuuvoq.

Kommunimi pilersaarut digitalinngortitaq "Sermersooq2024.gl"

1. Kommunimi pilersaarutip nassuiaataa. Suliniuteqarfiit arfineq marluk taamaalillutik tunngaviliipput kommunimi pilersaarummi piumasaqaatit pillugit ataatsimoortumik allaaserinninnissamik, tassani allaaserineqassallutik ineriartortitsinermi nunaminertanillu atugassiisarnermi killiffik, politikkit anguniakkallu kiisalu kommunimi immikkoortuni ataasiakkaani suliniutit pilersaarutaareersut.

Taakku saniatigut kommunimi pilersaarummi allaaserineqarput:


2. Kommune tamakkerlugu pingaarnertut aqqissugaanera. Pingaarnertut ilusiligaanerata imaraa kommunip ineriartortinneqarnissaanut takorluukkat pingaarnert, taakkulu ataatsimut atorineqassallutik nunap immikkoortuini pingasuusuni (Nuuk eqqaalu, Tasiilaq eqqaalu aamma Paamiut eqqaalu) inoqassutsikkut qanoq nikerartoqarnerseq misissuineri. Nunap immikkoortuinit tunngasumi allaaserineqarlutik kommunimi inoqarfiit akornanni ataatsimut qanoq inissisimanerat aamma inoqarfiit ataasiakkaat aallaaviatigut qanoq pingaarnertut aqqissugaanersut.

3. Inoqarfiit ataasiakkaat pingaarnertut aqqissugaanerat, kommunimi immikkoortut ilaani nunap aggornerisa killegarfii, inoqarfiillu agguagaaneri aamma inoqarfinni ataasiakkaani siunissami ineriartortitsinissami periusissat, qulequuttat qitiutitallu allaaserineqarput.

4. Atuinissamut aalajangersakkat arlallit, tassunga ilanngullugit inoqarfinni ataasiakkaani nunaannarmilu immikkoortut ilaanni sanaartorneq.

5. Kommunimi nunaminertamik atugassiisarnermi aalajangersakkat. Aalajangersakkat kommunimi nunaminertamik atugassinneqarnissamik qinnuteqaatinut atugassiinermilu najoqqutassiat sukumiisut.

Kommunimi pilersaarummi immikkoortut tallimaat immikkut iserfissaligaavoq, uani takuneqarsinnaalluni: www.sermersooq2024.gl



Kommunimut pilersaarut digitalinngortitaq "Sermersooq2024.gl"



3. Kommunimut pilersaarutip ilaanik iluarsissuteqarneq nutaanillu suliniuteqarfiusussanik aalajangerneq

Kommunalbestyrelsen kommunimut pilersaarutip ilaanik iluarsissuteqartoqarnissaanik nutaanillu suliniutisaliortoqarnissaanik aalajangerneq kommunimi ineriartortitsineq pillugu naliliisimaneq periusissallu pioreersut tunngavigalugit pivoq. Sukumiinerusumik nassuiaatissarsiniaraanni innersuussutigineqassaaq, una "Pilersaarusiørnermi periusissiaq 2014 – Nalunaarut tunuliaqutaq" imm. 3, qupp. 16-29.

Kommunimut pilersaarutip ilaanik iluarsissuteqarneq

Ineriartorneq

Matuma siuliini soorlu pingaarnertut allaaserineqartoq Sermersuumi innuttaasut amerliartorput, piffissamilu kingullermi takuneqarsinnaalluni kommunimi innuttaasut sukkasuumik amerliartupiloortut, sumiiffinnili assigiinngitsuni amerliartorneq nikingasorujussuuvog, naatsorsuutigineqartariaqarlunilu ukiuni aggersuni taamatut ingerlaannassasoq.

Taamaammatt Kommunalbestyrelsen nalilerpaa, pilersaarusiørnermi pingaarnertut unamminiagassat kommunimut pilersaarut "Sermersooq2024.gl" akuersissutigineqarneraniilli sulii allannguuteqarpallaarsimanngitsut, soorlu aamma pilersaarummi takuneqarsinnaasut periusissat ineriartortitsinermilu anguniakkat taamaattut. Taamaammatt Kommuneqarfik Sermersuumi pilersaarusiørnermi nutaamik naleqartitaliørnissaaq periusissamillu pilersaarusiørnissaaq pisariaqartinneqanngilaq, taamaattorli kommunimut pilersaarummi suliniutit sukumiisunut naleqartit najoqqussallu ingerlateqqinneqarnissaannut periusissaaq pisariaqarluni.

Suleqatigiinnissamut isumaqatigiissut

Kommunalbestyrelsen piffissami 2013-imiit 2017-imut suleqatigiinnissamik isumaqatigiissutaa – "Inuk tamar-miusoq ataatsimooqatigiiffimmi pisussaaffiusumi, nammaqatigiiffiusumi nutaaliørfiusumilu" – tunngavigalugu matumuuna aalajangersarneqarpoq, kommunalbestyrelsen "pingaartikkaa politikkerisap ataqatigiilluni ingerlateqqinneqarnissaa", "kommunimut pilersaarut piviusunngortinneqassasoq", aamma "politikikkut naleqqat ingerlateqqinneqassasut".

Suleqatigiinnissamut isumaqatigiissut uani takuuk: www.sermersooq.gl

Aningaasaqarnikkut aaqqeeqqinnissamik pilersaarut

Kommunip tigioreaannarnik aningaasattigit inisisimanagera massakut annertuumik ilungersunartumiippoq, taamaattorli kommunimi aningaasaqarnikkut inisisimaneq annertuumik qitiutinneqarlunilu periusissalio-rtitsisoqartariaqarsimavog, tassuuna ingerlatsiviit suliaassanik qitiutinneqartunik tassa isumannaallisaanermik tulleriarinermillu suliaqarnermini kommune ilorrap tungaanut saatinneqassaaq. Taamaattumik maannamut periuserineqartumiit sulii annertunerusumik aningaasaqarneq, periutsit suliallu akimorlugit suleqatigiinnerit qiti-utillugit sulisoqassaaq – minnerunngitsumik tassunga ilanngullugu kommunimut pilersaarummik suliaqartarneq.

Iluarsaaqqinnermik pilersaarut uani takuuk: www.sermersooq.gl

Aalajangerneq

Tamanna tamakkiisoq tunngavigalugu Kommunalbestyrelsen "Pilersaarusiørnermi periusissiaq 2014" kom-munimut pilersaarutip ilaa iluarsineqarnissaanik aalajangerneqarnermik imaqartinneqassasoq akueraa, tassuunani kommunimut pilersaarummi periusissat ineriartortitsinermilu anguniakkat attatiinnarneqarsinnaapput, kisianni kommunimut pilersaarummi taaneqartartoq "pilersaarusiørnermi inatsisinut tunngasut" misissorneqarlunilu paasinarnersunngortinneqassaaq. Kommunimut pilersaarummut tunngasunik ingerlatsinermi misilittakkat arlal-lit tunngavigalugit tamanna aallaaveqarpoq. Tamanna isumaqarpoq, kommunimut pilersaarummi immikkoortut ilaanni ataasiakkaani atuinerneq aalajangersakkat aamma nunaminertamik atugassisarnermi aalajangersakkat



NUUK

misissorneqassasut, tassani siunertaalluni kommunimi tamarmi allaffissornikkut ingerlatsinerup ataasiunerusumik assigiinnerusumillu ingerlanneqalernissaa.

Suliniuteqarfiit nutaat

Kommunimut pilersaarutip ilaanik iluarsiissuteqarnissap akuersissutigineqarnerata saniatigut kommunimi pilersaarut pilersaarusiørnermi suliniuteqarfiit nutaat pingasut qitiutinneqarnissaat kommunalbestyrelsip akuersissutigaa, ukuusut:

1. Illussanik titartaasarnermut/illoqarfiup isikkusnaanut politikkiliorneq – kommunimi inoqarfiit pitsaasumik ineriartornissaat qulakkeersinnaajumallugu
2. Illoqarfiit pingaarnersaat pillugu periusissaliorneq –kommunerput nunarpullu ataatsimut isigalugit Nuuk maligassaasinnaanissaanut ilisimatusarfiunissaanullu tunngavissaqarsinnaaqqullugu
3. Suliat akimorlugit immikkoortumi pilersaarusiørnissamut suleqatigiisitaliørnikkut kommunimut pilersaarummut immikkoortunut pilersaarummut tunngavissamik ineriartortitsineq – siunissaq ungasinnerusog ataqatigiisaaernerlu eqqarsaatigalugit sanaartugassanik pilersaarusiørneq tunngavissaqarsinnaaqqullugu

Illussanik titartaasarnermik/illoqarfiup isikkusnaanut politikki

Illussanik titartaasarnermut/illoqarfiup isikkusnaanut politikki politikikkut allaffissornikkullu sulinermut sakkusaassaaq, qulakkeerniarlugu:

- Siunissami sanaartorneq pitsaasoq
- Kommuneqarfik Sermersuumi immikkoortut pigisavut ersarinnerusunngortinneqarnissaat illersornissaallu
- Illut pitsaassusiørnik qitiutitsineq, taamaalillunilu siunissamut aningaasaliinerullunilu ineriartortitsinissamut periarfissaqassaaq
- Soqutigisaqatigiinnik peqataatitsineq, soorlu illussanik titartaasartut, entreprenørir kattuiffillu soqutigisallit

Illuliortaatsimut politikki 2016-imi naammassineqarnissaa naatsorsuutigineqarpoq.

Illoqarfiit pingaarnersaannut periusissaaq

Kommunalbestyrelsip septembarip 18-iani ataatsimiinnermini eqqartorpaa, illoqarfiit pingaarnersaannut periusissaliap ilusilernerqarneranik saqqummiussaliaq, borgmester Asii Chemnitz Narupimit saqqummiunneqartoq. Qulequttat tulluuttut pilersaarusiørnermut periusissamut ilanngunneqarnissaat siunnersuutigineqarpoq:

- Kinaassuseq Tulluusimaaruteqarnerlu
- ”Inuuneq pitsaasoq”
- Kulturi
- Eqiterussineq
- Kalaallit Nunaanni illoqarfiit pingaarnersaat - sunniuteqaqatigiissinnaanerit
- Ataatsimiinnernut ataatsimeersuarnernullu qitiusoqarfik
- Periarfissat nutaat
- Ilisimatusarnermi ilinniartitaanermilu qitiusoqarfik
- Attanneqarsinnaasumik ineriartortitsineq – illoqarfiit pingaarnersaanni silarsuarmi siullersaalluni CO2-qarfiunngitsoq
- Kikkut tamarmik akisussaaqataassapput
- Takornariaqarneq
- Inissiat amerlanerusut
- Illussanik titartaasarnermut/illoqarfiup isikkusnaanut politikki
- AWG: atorfimmut pikkorissuseqarneq, piumassuseqarneq namminerlu kajumissutsimik suliniuteqarusussuseq
- Ineriartortitsinerimut pilersaarut: Aningaasaliiffineqarnissamik periarfissat OPP il.il.
- Illoqarfiit pingaarnersaat – Nuummuinnaanngitsoq, Nunarpulli tamakkerlugu

Illoqarfiit pingaarnersaanni periusissaliimut saqqummiussaliaq kommunalbestyrelsimut 2015-ip qiteqqunnerani



SAQQARLIIT, NUUK + SILAANNARMI AARSAARTOQ

saqqummiunneqarumaarnera naatsorsuutigineqarpoq.

Immikkoortup ilaanut tunngasunik suleqatigiisitaq

Immikkoortumi pilersaarutit kommunip ingerlanissaanut pingaaruteqartuupput. Immikkoortumi pilersaarut qulequttamut aalajangersimasumut pilersaarutaavoq – assersuutigalugu atuarfeqarnermi immikkoortunut pilersaarut – aamma kommunimut tamarmut atuukkajuppoq. Immikkoortumi pilersaarummi allaaserineqarajuttut tassaapput, immikkoortumut tunngatillugu isuma attanneqartoq pillugu paasisutissat aamma killiffik pillugu allaaserinnineq, anguniakkanik allaaserinnineq aamma suliniutitut pilersaarutiniq iliuusissamik pilersaarut – tassunga ilanngullugit sanaartornermut tunngasunik takussutissiaq.

Suliat akimorlugit immikkoortup ilaanut tunngasunik suleqatigiisitap akisussaaffigivaa:

- Takussutissiami allattorsimasut naapertorlugit immikkoortup ilaanut pilersaarusiak piffissaatillugu ingerlatsivinnit tamanit suliarineqarsimanissaat qulakkiissallugu
- Pilersaarutit pitsaassusii ingerlaavartuutinneqarnissaallu qulakkiissallugu
- Sanaartugassatut kissaatinik tulleriiarisarnerup aningaasaleeriaasissallu ingerlanneqarnerisa ersarissuutinnissaat qulakkiissallugu
- Kommunimi siammasissutsip suliat akimorlugit paasisimasaqassuseqarnissaq paasinninnissarlugu qulakkiissallugit



4. Pilersaarusiørnermi naammassiat

Kommunalbestyrelsis nalilerpaa, pilersaarusiørneq kommunimut pilersaarut digitalinngortitap ”Sermersooq2024.gl”-ip pilersinneqareernerata kingorna naammassineqarsimasoq, kommunimut pilersaarummut naapertuuttuusoq, pilersaarusiørneralu kommunimut pilersaarummi anguniakkat piviusunngortinneqarnerinut naleqqulluni. Kommunalbestyrelsis nalilerpaa, kommunimut pilersaarummi pingaarnertut periuserineqartoq ineriartortitsiner-nilu anguniakkat attatiinnarneqassasut.

Qitiutinneqartunik suliaqarnermi amerlanerit aallartinneqareerput imaluunniit sutigut arlaatigut ersarissarneqareerlutik. Uuma kinguliani takussutissiaq naleqqiuguk.

Naammassineqareersut annertunersaat, pilersaarusiørnerit allat kommunimut pilersaarummut toqqaannartumik attuumassuteqanngillat, pisariaqarlunili namminersortut sanaartugassatut pilersaarutaasa pisariaqalernerilutigalugit periarfissittarnissaat akuerineqartarnissaallu.

Kommunimut pilersaarummut tapiliussaq suliarineqareersoq Nuummi Tasiilamilu illoqarfimmik inerisaaneq akulikinnerusumillu sanaartornissamik kommunimut pilersaarummi anguniagaasumik piviusunngortitsinissamut naliginnaasumik sunniuteqaqataasarpog. Takussutissat uuma kinguliiniittut naleqqiutikkut.

Pilersaarusiørtarnermut inatsisip nutarterneqarneranut sukumiisumillu pilersaarusiørnerup ilusilersorner-nut maleruagassat allannngortinneqarnerannut tapiliullugu, sukumiisumik pilersaarusiørnissamut pitsaassut-sip ineriartornerullu qulakkeernissaa siunertaralugu kommunimi ilitersuusiortoqarlunilu najoqqutassaliortoqarpoq (kommu-nimut pilersaarummut tapiliussaq).

Soorlu imm. 3-mi takuneqarsinnaasoq, kommunimut pilersaarutip ilaanik iluarsiissuteqartoqarnissaanut atatil-lugu kommunalbestyrelsis aalajangerpaa, kommunimut pilersaarummi taaneqartartoq ”pilersaarusiørnermi inatsisinut tunngasut” misissorneqarlunilu paasinarnerusunngortinneqassaaq. Kommunimut pilersaarummut tunngasunik ingerlatsiner-mi misilittakkat arlallit tunngavigalugit tamanna aallaaveqarpoq. Tamanna isumaqarpoq, kommunimut pilersaarummi immikkoortut ilaanni ataasiakkaani atuinnermut aalajangersakkat aamma nu-naminertamik atugassiisarnermi aalajangersakkat misissorneqassasut, tassani siunertaalluni kommunimi tamarmi allaffissornikkut ingerlatsisarnerup ataasiunerusumik assigiinnerusumillu ingerlanneqartalernissaa.

Kommunimut pilersaarummi qitiutinneqartut killiffii

Kommunimi qitiutillugit sulissutissat killiffii takussutissap uuma kinguliini allaaserineqarput.

INOQARFIK	QITIUTITINNE-QARTOQ	KILLIFFIK
Nuuk	Imaneq	Ingerlavoq. Qitiutinneqartumi Nuup oqaluttuarisaanerani illoqarfiup qeqqanut tunngasunik suliniutit, tassani illoqarfik aneerfiillu qitiutin-neqassapput. Suliniutit arlallit piviusunngortinneqarput, suliniutillu sulil allat pilersaarusiørneqarput.
	Tuujuuk aamma Blok P-qarfiusimasoq pil-lugit tamakkiisumik pilersaarut	Ingerlavoq. Qitiutitsiner-mi matumani Nuup qiterpasissuanik allann-guineq pineqarpoq. ”Tuujummi naatsiivik”-mik pilersitsineq kiisalu Ceresvejimi inissialiørnissat pilersaarusiørneqarput. Blok P-p nuna-minertaata ilusilersornera utaqqiisaagallartumik suliniutit aallartin-neqarnerisigut pilersaarusiørneqarpoq. Qitiusoqarfik taanna Nuup illoqarfiit pingaarnersaatut ineriartorneranut kiisalu Kalaallit Nunaata illoqarfiisa pingaarnersaata ineriartornissamut periarfissaanik anguni-akkanut tunngatillugu pingaaruteqarpoq



	Aneersuarfik Aqqaluk	Piareersaasiørneqarpoq. Nunaminertat ilusilernissaannut pilersaarut piareersarneqarpoq, taamaattoq Inatsisartut ataatsimiittarfissaannik inissiinissamut kissaatip aalajangiiffigineqarnissaa utaqqinneqarpoq. Piffiup illoqarfimmi issittumilu kulturimut tunngasumik naatsiiviliari-nissaa anguniagaavoq
	Imeqarfik eqqaalu	Piareersaasiørneqarpoq. Pilersaarusiørnerit aallarnisarneqarput. Ataatsimoortumik pilersaarut inissialiørnerup, attaveqaasersuinerup kiisalu qasuersaartarfiliørnissat ataatsimoortillugit eqqarsaatigineqar-nissaat anguniagaavoq
	Nuussuup qeqqa	Suli aallartisarneqanngilaq. Qitiutitsineq annertuumik pingaartinne-qartog. Ataatsimoortumik pilersaarummik ilaatigut piffiup, Nuussu-ullu illoqarfiup immikkoortuatut muteerniusutut allanngortinnerani angallannermi toqqammavinnik isummerfiusussaq
	Inuutissarsiuteqarfik	Nutarterneqartariaqarpoq. Containerersørnermi umiarsualivissamik inuussutissarsiutinullu immikkoortumik ineriartortitsineq ingerlanne-qarpoq. Maanna inuussutissarsiørnermut tunngasunik nunaminertat annertusarneqarsinnaajunnaaqqapput. Nuummi nunaminertanik inuussutissarsiørnermut atugassanik qulequtakkaartumik pilersaaru-siørnissaq pisariaqartinneqarpoq
	Qinngorput	Ingerlavoq. Qinngutta Nuup illoqarfiata immikkoortuatut ataqati-giissutut ineriartortinnissaa suli sammineqarpoq. Annertusaanermi piffimmi nunatap ilusaata pigiinnarnissaa, imminnut qanittunik illuliortiternissaq, piffimmi qitiusumik illorsualiørnissaq kiisalu angal-latinik qaqitsivissamik pilersitsinissaq aallaavigineqarput
	Sissaq sinerlugu pi-suinnaat aqqutaat	Suli aallartinneqanngilaq. Sanaartørnermi pilersaarut atorlugu pivi-usunngortinneqassaaq. Sineriak sinerlugu aqqusineeqqakkut Nuup sissaa assigiinngiiaartoq takusassiarineqassaaq, Nuullu qorsooqqissor-taata annertusarneranut atatillugu manna annertuumik pingaartin-neqarpoq
Tasiilaq	Illoqarfiup qeqqa orniginartog	Suli aallartinneqanngilaq. Illoqarfiup ineriartortinneqarnerani illoqar-fiup qeqqata qitiutinneqarnissaa pingaaruteqarpoq, taamaalluni taanna innuttaasunut takornariartunullu pilerinartutut inissisimaan-narsinnaaqqullugu. Illoqarfimmik kusassaanissami juullip orpiliaata inissisimaffia kulturikkut piffittut kiisalu Pilersuisup eqqaani illoqar-fiup inuusuttaasa sammisassaqaarfattut kusassarnissaa qitiutinneqar-poq
	Tasiilap kujata-atungaa	Ingerlanneqarpoq. Sanaartorfissanik nutaanik atugassiinnikkut, piffin-ilu sanaartorfioersuni qaninnerusunik sanaartørnissaq, illoqarfiup kujasissuanik nutarterinissami qitiutinneqassaaq
Paamiut	Paamiut pillugu tamakkiisumik piler-saarut	Piareersaasiørneqarpoq. Qitiutitsiviit pingasut (Umiarsualivitoqaaq – allanngutsaaliuinerut, ingitserinerut ”uummarissaanertullu – blokkersuit eqqaanni piffimmik kiisalu illoqarfiup qeqqanik kusas-saanermik qitiutitsisoq) ataatsimoortillugit ataatsimut pilersaarutinn-gortinneqassapput



Kommunimut pilersaarutitut tapiliussanut takussutissaq

Kommunimut pilersaarut Sermersooq2024.gl marsip tallimaani 2013-imi akuersissutigineqareermalli, kommunimut pilersaarutit arlaqartut kommunalbestyrelsimit akuersissutigineqarput. Uuma kinguliini takussutissiami takuneqarsinnaapput, kommunimut pilersaarummut tapiliussat atuuttuulersutut nalunaarutigineqarsimasut imaluunniit kommunimut pilersaarutip akuersissutigineqarneraniit aallartinneqarsimasut:

ILLOQARFIUP IMMIKKOORTUA / IMMIKKOORTUP ILAA		KOMMUNIMUT PILERSAA-RUMMUT TAPILIUSSAQ	NALUNAARUTIGINEQARFIA
Nuup illoqarfia	1A1	1A1-3 Kujallerpaat, Inissiaqarfik	18-12-2013
	1A1	1A1-4 Kujallerpaat, Inissiaqarfik	2015-ip aallartinnerani naatsor-suutigineqarpoq
	1A11	1A11-2, Quasunnguaq, Inissiaqarfik	21-05-2014
	1A15	1A15-2, Inussussuaq, Imeqarfiup eqqaani inissiaqarfik	2015-ip aallartinnerani naatsor-suutigineqarpoq
	1C3	1C3-4, Qatserisut, Illoqarfiup qiter-pasissua Aqqusininersuaq	18-06-2014
	1C24	1C24-2, Nuukullak Manngua, Il-loqarfiup qeqqa	2015-ip aallartinnerani naatsor-suutigineqarpoq
	1C30	1C30-2, Ilaqutariit Illuat, Tuujuk	26-08-2014
	1C30	1C30-3, Tuujuk, Ceresvejip kangia-tungaa, inissiaqarfik	2015-ip aallartinnerani naatsor-suutigineqarpoq
Nuussuaq	2B2	2B2-3, Nuuk, Umiarsualivik Con-tainereqarfik	28-10-2014
Quassussuup Tungaa	3C7	3C7-2, Sarfaarsuit Centeri	17-07-2013
	3D13	3D13-1,Takornarissanut illuaqqat, Qernertunnguit Kangerluat	13-02-2013
Qinngorput	4A5	4A5-3, Pingorsuaq, inissiat 48-it	2015-ip aallartinnerani naatsor-suutigineqarpoq
	4A6	4A6-1, Pinguaq, Inissiaqarfik, Suliffeqarfiit	2015-ip aallartinnerani naatsor-suutigineqarpoq
	4B5	4B5-1, Isuliffik, Qinnqutsinni inu-ussutissarsiuteqarfik	2015-ip aallartinnerani naatsor-suutigineqarpoq
	4C2	4C2-2, Nuummi paarnaarussivik nutaaq, Niaqornannguaq	05-02-2014
Tasiilaq	30A12	A12-1, Akiiterni, Tasiilaq	02-11-2011
	30C10	30C10-1, Immikkoortoq siunerta-nut ataatsimoorussanut, Tasiilaq	18-08-2014
	30C2	30C2-1, Siunertat ataatsimoorus-sat, qatserutaasivik	2015-ip naanerani naatsorsuutigi-neqarpoq
Paamiut	20C2	20C2-1, Utoqqaat illuat nutaaq	2015-ip naanerani naatsorsuutigi-neqarpoq



Pilersaarusiørnerit sinnerini killiffiit

Kommunimut pilersaarummut tapiliussat akuersissutigineqareermatali aamma kommunimut pilersaarummut attuumassuteqartunik pilersaarusiørnerit arlallit aallartinneqarput, tassunga ilanngullugit:

Kommune ataatsimut isigalugu:

- Illussanik titartaasarnermik/illoqarfiup isikkusnaanut ataatsimoorussamik politikikkissaq piareersarlugu (2012-2013)
- Immikkoortuni ineriartortitsinnermut periusissaq, Namminersorlutik oqartussat suleqatigalugu (2011-2012)

Nuummut tunngasut:

- Imanermi ilusiliinissamut najoqqutassiaq (2011 -
- Namminersorlutik Oqartussat aamma Nuuk Centerip eqqaani illoqannginnerisak (2014)
- Grønlandsbankenip nalaani illoqannginnerisak 5 (2013 -
- Tuujuk aamma Blok P-qarfiusimasoq pillugit periusissamut pilersaarut (2013)
- Hotelinut tunngatillugu ilusiliinissamut najoqqutassaq, Nuutoq (2013 -
- Nuuk Playground (2013 -
- Katuap nalaa (2014)
- Biilini inissiisarnermut politikki aamma periusissaq (2013)

Paamiunut tunngasooq:

- Paamiut pillugu tamakkiisumik pilersaarummut aallaqqaasiullugu suliaq (2014)



5. Akuersissuteqarneq

Pilersaarusionsiornermi periusissiaq 2014 Kommunalbestyrelsip septembarip 29-anni 2015 ataatsimiinnermini ”Pilersaarusionsiorneq aamma nunaminertat atorneqartarnerat pillugit Inatsisartut inatsisissiat nr. 17, 17. november 2010-imeersoq” naapertorlugu inaarutaasumik akuersissutigaa.

Pilersaarusionsiornermi periusissiaq 2014 Nunatta atuagaateqarfiani imaluunniit kommunip nittartagaani www.sermersooq.gl-imi atuarneqarsinnaavoq, aamma kommunimi Innuttaasunut Sullissivimmi imaluunniit Kommuneqarfik Sermersuumi Sanarfinermut Avatangiisinullu Ingerlatsivianut, Kuussuaq 2, 3900 Nuuk, saaffiginninnikut pissarsiarineqarsinnaavoq.

Pilersaarusionsiornermut periusissiamut tunuliaqutaq uani nassaarineqarsinaavoq: www.sermersooq.gl



KOMMUNEQARFIK **SERMERSOOQ**

PILERSAARUSIORNERMUT PERIUSISSIAQ 2014